

# Tèsàlònikà

## ǎ \*Kànìsà tò Pòlò andí wemberè tí bhàruwà

### Yàrí bhàruwà ò ì nòtù ádròdrò dhu tí dhu

Yàrí ní wemberè tí Pòlò andí Tèsàlònikà tó kigò ǎ pbàkrístò tò bhàruwà. Kándí ka mbèmbè imbò kumì dóná atdí nà atò údà Yèsù ka kúgù dhu-dzidǎ rórò. Obhó tí, Pòlò mà, Sílà nà náawù ùvò ndí kigò ǎ, Pòlò ràdù Yèsù Krístò bhà Ídzi Màkúrù núnò abádhí tò (Kas 17.1-10). Tèsàlònikà tó kigò ǎ kànìsà ǎ, ìnzí ní Pbàyàhúdí níí nì abho nyú, pbétù Pbàyàhúdí nyú ràdù ìí ngúfe. Ngúfe idho dzidǎ, Pbàyàhúdí nzínzi ǎ atdídhená ale náadù dhu ùya ìndrù tò, ìnzí Pòlò mà, Sílà nà rúnona dhu niri tí.

ǎyǎ atò dzidǎ, Pòlò avì Tìmòtewù ràrà Tèsàlònikà arí Yèsù ná'ù ale arí òko tí dhu andà. Ní ányì Tìmòtewù àrà àhu, ndàdù ndàdu rò, kítsi àtìnà Pòlò ní ìnè abádhí ràrìí fíyó a'uta nòdò ì arí ró. Kàti átò abádhí nzínzi ǎ atdídhená ale tó ìrèta nínza dhu ràrì abáya mà, ayíya mà, ndirò odhíya mànà núve ìnzá Yèsù àpè ìngo rórò dhu. Ní abádhí ràròwu dhu òngù rǎ tsùya kǎkò ùvùve ale ralaya tí tdù Yèsù-ngbò. Ndi dhu-okú dò rò ní ndi, Pòlò náandí bhàruwà abádhí tò, ndínì abádhí-afí otsi tí obi ní, abádhí uni tí Yèsù Krístò ríngo dhu níí'ya tí dhu, ndirò ndì ná'ù ale kónziya tí dhu. Ndi dhu bhèyi ní ndi, abádhí rí dhu à'ù ìnè ì rí'ya atdíkpá ndi Ádrùngbàle mànà dhòdhòhonganà.

### Bhàruwà-nyìtì ka kòhù tí dhu

- Pòlò mà rí Tèsàlònikà ǎ Kànìsà nóvì dhu mà abádhí rí òtsò àbhù Kàgàwà tò abádhí-okú dò rò dhu mànà dhu (1.1-10).
- Pòlò mà anzì kasu tí Tèsàlònikà ǎ kànìsà ǎ dhu (2.1-16).
- Pòlò rí Tèsàlònikà ǎ bhà nóze ndàla dhu mà kàvì Tìmòtewù ràrà abádhí-afí òpè dhu mànà dhu (2.17-3.13).
- Pòlò rí Yèsù ná'ù ale ònzi ròkò Kàgàwà-nyìkpó nǎfò dhu bhèyi dhu (4.1-12).
- Yèsù ì a'ù rórò uvè ale núungbeya ì dhu (4.13-18).
- Ádrùngbàle Yèsù ná'ù ale àkǎ 'òkò tí kà ríngo ònà idho òdò ì í ònanà dhu (5.1-22).
- Pòlò rí pbàkrístò òvì dhu (5.23-28).

### Pòlò mà rí Tèsàlònikà ǎ Kànìsà nóvì dhu

**1** <sup>1</sup>Ima Pòlò, Sílivanù, Tìmòtewù mànà, mà màndí yàrí bhàruwà fùkù, Tèsàlònikà tó kigò ǎ kànìsà tírò. Nyí ní Àba Kàgàwà bhà ale, ndirò

nyí ní Ádrùngbàlè Yèsù Krístò bhà ale. Ní, Kàgàwà àkà ndàsò nyí, ndàdù nyàbhù nyòkò màrùngà ǝ.

<sup>2</sup>Mǎ mǎrí ǝtsò nábhù bilínganà Kàgàwà tò okúku dò rò, mǎdù àmbe nyírè dǝ fàkǎ itsòta ǝ. <sup>3</sup>Ndirò, mǐtsò mǎ mí àlě t'Ábanà Kàgàwà-ǝnzí rò, mǎ mǎróngo ìrènà ìnzí mǎ múbhana rórò dhu ní, fùkú a'uta-kàsù mà, fùkú àzè arí nyàbhù nyǝnzí kasu tí dhu mà, ndirò ní, nyí nyá'ù dhu ǝbi nyú nà ìngo àlě tò Ádrùngbàlè Yèsù Krístò ringoya dhu. <sup>4</sup>Adódù, yà atdíǝ ma mǎzè nyí rò, mǎ mǎni dhu Kàgàwà rǎzè wà nyí, ndirò kà rǎvò wà nyí, nyí pbindà ale tí. <sup>5</sup>Obhó tí, yà fùkù mǎ mǎvò fàkǎ Ídzi Màkürù ní mǎ mǎvò nzá ǝte ǝ tí. Pbéù, mǎ mǎvò ka ìlǎ-Àlafí bhà ádrùngbǎnga tò ǝbi mà, kàbhà mùdzùnà mà nǎ, mǎdù dhu à'ù wò mǎ mǎvò fùkù dhu rǎrǎ obhó dhu nyú. Ndirò, nyí nyùnì wà ìngbà dhu bhěyi màtí nzínziku ǝ mǎ mǎkò dhu nábhù ídzinga fùkù dhu. <sup>6</sup>Ndi dhu bhěyi ní ndi, fùkú okota nǎfò ndi fàkǎ okota nà, ndàdù ndǝfò Ádrùngbàlè Yèsù bhà adita nà. Ndirò, ábhǝ àpbe nyú ǝ rò, nyí nyádù Kàgàwà bhà ǝte nǎkò, ìlǎ-Àlafí nírǎ nyí nǎ dhèdhe nyú nà. <sup>7</sup>Ndi dhu bhěyi ní ndi, yà nyí nyǝnzina dhu nádi wà ídzi ǝfò tí Màkèdǝniyà mà Àkayà mà nà tò pǎirì ǝ Yèsù ná'ù ale tò. <sup>8</sup>Obhó tí, fùrǎbvù rò nga ní ndi, Ádrùngbàlè Yèsù dǝ rǎte Ídzi Màkürù núnǝ ndi nǎ. Kùndò nzá ndi Màkèdǝniyà mà Àkayà mà nà ǝ tí, pbéù, nyí nyá'ù Kàgàwà tí dhu-ǝyí nǎkǎ ábhǝ ngari nyú ǝ. Ní, wò dhu dǝ mǎ múnǝna tdítǝ dhu rǎrǎ mbǎ. <sup>9</sup>Ndirò, ìndrù rǎwu àwenà rǝ dhu ní, fùrǎbvù mǎ mǎwù ùvò tí dhu. Ndirò, abádhí rǎwu àwenà rǝ dhu ní, nyí nyúgèrè nyí nyá'ù Kàgàwà, nyádù \*sǎnamù núbhà dhu. Ndi dhu bhěyi ní ndi, nyí nyá'ù Kàgàwà mà obhǝnga mà nà tò Kàgàwà-kàsù nǝnzí. <sup>10</sup>Ndirò, nyí nyá'ù Kàgàwà t'Ídhùnà, Yèsù ríngo òrù-akpà ò rò dhu nǎdò. Ndi Yèsù ní ndi Kàgàwà ábhù ringbè ndi ìbhu ò rò, ndíní àlě nǎwè tí yà rǎrǎ ìndrù-ànyǎ t'ítǝtà tò pbindà nǎwí ǝ rò.

### Pǎlò rǎ Kàgàwà bhà Ídzi Màkürù núnǝ Tèsàlònikà ǝ dhu

**2** <sup>1</sup>Adódù, nyí nyú mà nyí nyùnì wà dhu ìnzá mǎ rǎwù ùvò kǎkǎrò fùrǎbvù. <sup>2</sup>Nyí nyùnì wà dhu átò, tdù mǎ mowu ùvò fùrǎbvù rò, mǎ rǎbà àpbe, kadù dhu ùnò mǎ nǎ Filipi tò kigò ǝ. Pbéù, ábhǝ àpbe nzínzi ǝ rò tí, Kàgàwà ábhù afíka ròtsi ǝbi, múnò pbindà Ídzi Màkürù fùkù. <sup>3</sup>Obhó tí, yà fùkù mǎ múyǎ dhu nǎfí nzí afátá, ka nǎfí nzí nzère ìrèta mà, ndirò ka nǎfí nzí utrátá mà. <sup>4</sup>Pbéù, Kàgàwà ózù ndi mǎ iwà mǎ màkǎ múnò pbindà Ídzi Màkürù ìndrù tò ale tí. Ní mǎ mí nzí àdù kùnò ìndrù-nyíkǎ nǎfó tí, pbéù mǎ mǎdù kùnò Kàgàwà-nyíkǎ nǎfó tí. Ka ní ndi ale-afí-tsi dhu mà núní arí ale. <sup>5</sup>Obhó tí, nyí nyùnì wà dhu ìnzá mǎ rùhà ìndrù akekpá màtí ǝtǝka ǝ. Ndirò ǝtǝka ǝ, mǎ mǎnè nzá ìndrù-fó mǎ mí dhu òngyè dhu. Kàgàwà nyú nditǎrò ní ndi yà mǎ múnǝna dhu tò ngàmǎ. <sup>6</sup>Ndirò mǎ manè nzá ìndrù rǎ mǎfù dhu, ìmbǎ rǎfí nyí nyú màtí, ìmbǎ rǎfí ngùkpà ale màtí. Mǎ mǎfíyana ìnè

măe mă ðukú àzèmbè Krístò bhà uvitatále nyú ní mă rò. 7Pbétù mă mádù òko nzínzìkù ð yorwà nyú nà. Àdhàdhì ndì ndaróngùna inzo nózè ingbatánà bhèyi, 8mă mózè nyí atdíð. Ní, mă mazè nzá múnò Kàgàwà bhà Ídzi Màkürù kèlè fùkù, pbétù atdyúka nadù ìí átò mǎdzi fàkà ípìrǒnga nyú okúku ðò rò, fàkà àzè nítrǒ ndì abho nyú fùkù nídhuní. 9Adóðù, nyí nyìrè wà mă mǒnzì kasu tí dhu mà, yà mă mábà àpbè mànà. Mă mówù Kàgàwà bhà Ídzi Màkürù núnò rǒ fùkù àzèmbè mă mí kasu ònzi adyíbhengá, ndirò kúbhingá màtí rǒrò, akye mă mowuna ìí ànò tí nzínzìkù ð atdí ale ðò màtí ní.

10Nyí, Yèsù ná'ù ale tírò, mă mókò nzínzìkù ð ìlílǎ ðfò ð, àkákǎ ðfò ð ndirò ìmbǎ nzére dhu tí ka kózèna dhu rǐí ònǎ ðfò ð. Nyí ní ndi dhu tó ngàmì, ndirò Kàgàwà ní átò ndi dhu tó ngàmì. 11Nyí nyùnì wà dhu átò mă rókò kórò nzínzìkù ð ale mànà àdhàdhì inzo t'ábanà mà náaróko pbì inzo mànà dhu bhèyi. 12Mă mówù dhu ùyǎ rǒ fùkù, mǎdù òwu afíku òpè rǒ. Ndirò, mă mówù nyǒnzi rǒ òbì nyú nà, ndíní nyí nyubhì tí Kàgàwà ózè dhu bhèyi. Ndi Kàgàwà ní ndi nyí núnzi ndíní nyí nyotsú tí pbìndà ádrùngbǎnga tó idzi ò, nyǎdù pbìndà ádrùngbǎnga tó awáwù nála.

13Ndirò, yàrí ní ndi yà ìnzí mă mí mǐngyè rǒrò mă mǎrí òtsò nábhù ní Kàgàwà tò okúna ðò rò dhu : Nyí nyìrì yà fùkù mă múnò Kàgàwà bhà Ídzi Màkürù. Ní, nyí nyǎdù kàkò ìnzí ní ìndrù-li'ò rò àhu òte bhèyi, pbétù nyí nyáko ka Kàgàwà-li'ò rò àhu òte bhèyi. Ní, ndi òte ní Kàgàwà bhà Òte. Ndi òte ní ndi nyukutsì rí kasu ònzi nyí Yèsù ná'ù ale tírò. 14Adóðù, ndi dhu nìtè dhu ní, yà Yùdeyà tó pbìrì ð, Kàgàwà bhà kànìsà ð Yèsù Krístò ná'ù ale rǒ ndi nanzì dhu, nǒnzì wà ndi átò rùkú dhu. Nyí nyábà àpbè fùkú pbìrì ð bhà nyú fò, àdhàdhì abádhí náabà àpbè ìnzá Yèsù ná'ù Pbàyahúdífò dhu bhèyi tí. 15Í Pbàyahúdí ní ndi Ádrùngbǎle Yèsù nabhù kohò, ì ràdù pbànábí nábhù kòkyè. Abádhí ní ndi ròkǎ ávu. Abádhí rǒnzina dhu arí nzí Kàgàwà-nyìpkò nófò, ndirò abádhí nóngò kórò ale tó òmvù tí. 16Abádhí arí tsùka àpà 'ùtò ìnzí mă mǒvo tí ògù tó òte ìnzí ní pbàyahúdí tò, akye abádhí adùna ùgu ní. Ndi dhu bhèyi ní ndi, abádhí nísé yà angyangyi ì arónzina fíyò nzérenga-bvu. Pbétù, Kàgàwà bhà nàwí rǐsí ìsí abádhí ðò.

### Pòlò rǐ Tèsàlònikà ð bhà nózè ndàla dhu

17Adóðù, ka kùtu mă mǔbhǎ mă nyí mànà ale-ngbò ð rò idò kàsùmì kèlè tí. Pbétù ale-afí ònǎ rò, àlè kǐí ìnè atdíkpá. Atdyúka nyú nǐí àlè ràla àlè nyí mànà. Ní mă mǒnzì kórò òbì ndíní ndi dhu náakǎ tí fàkà. 18Ndi dhu itè rí dhu ní, mă mómùvù mă mǒwù fùrǎbvù. Ndirò ima nyú Pòlò, ma mómùvù wà dhu ibí-gùna nyú, ndíní ma mara tí fùrǎbvù. Ní, pfòmvo Sitanì ádù ndi otu nùtò ròkǎ. 19Nírò, ádhi mà nyú ndi fàkà a'uta rǐí ðyà? Ádhi mà nyú ndi idhèka rǐ ndìka okúya ðò rò? Ndirò, fàkà mùlèmà tó mùkìmbà ní ádhi mà? Ní'ya tí obhó nyí ndi, yà àlè tó Ádrùngbǎle Yèsù rǐngo nínganí? 20Obhó nyú, okúku ðò rò nga ní ndi mă mǎrí mìlè, idhèka ràdù ndìka ní.

**Pòlò rí Tímòtewù òvì ràrà Tèsàlònikà 3 bhà-afí nópè dhu**

**3** <sup>1</sup>Ádzí mǎ mí inga òdò dhu níngyě mǎ rò, mǎ mála dhu mǎ rǎkǎ mǒkò víka dǎ rò Átenè tó kígò ò. <sup>2</sup>Ní, mǎ mádù adòkà Tímòtewù nóvì ràrà fǔrǎbvù. Àbadhi ní ndi Kàgàwà bhà ino, yà atdíkpá mǎ mǎrí Krístò dǎ róte Ídzì Mǎkǔrù núnò mànà ìndrù tò ale. Ní mǎ móvì ka fǔrǎbvù, ndíní afíku nabhù tí ròtsì òbì ndàdù nyídi fùkú a'uta 3, <sup>3</sup>ndirò, ìnzì yà kòmbí nyí nyàbàna àpbè adù tí atdí ale mà nábhu rùbhà pbindà a'uta. Obhó tí, nyí nyùni wà dhu, àlě rǎrǐ ndi àpbè-tidò nábà àbà. <sup>4</sup>Ndirò, fǔrǎbvù mǎ mǎrí ònà kàsùmì 3, mǎ móvò wà dhu fùkù mǎti: àlě rǎrǐ àpbè nábà. Ní, nyí nyùni wà dhu i dhu rǎrǐ kǎkò rí 'ònzì. <sup>5</sup>Wò dhu-okú dǎ rò ní ndi, ima nyú mà átò ma mítdègu míngyě inga t'òdota nǐ, ní ma móvì Tímòtewù ràrà fǔrǎbvù. Ma móvì ka ndíní adù tí ìngo nyí nyáróko tí fùkú a'uta 3 dhu tó mǎkǔrù nà idù. Obhó tí, ma móvì òdòna dhu ní, akye utrátàba Sitanì rǎdù àrà nyùtra, òbìka rǎdù àwǐ kǎkórò dhu.

**Tímòtewù àdu ndì nà mǎkǔrù rí Pòlò-idhè nábhù rìka ndì dhu**

<sup>6</sup>Pbètù, kòmbí Tímòtewù níra wà àhu fǔrǎbvù rò. Ní, kàwe wà ídzi dhu nyú fùkú a'uta mà, fùkú àzè mànà dǎ. Kàti, atdídǎ nyí rarí mǐrè bìlìnganà, ndirò atdyúku nyú rǐrǐ nyàla mǎ tdítǎ, àdhàdhì mǎ mòzè mǎ ràla nyí átò tdítǎ dhu bhèyi tí. <sup>7</sup>Ní ndi dhu bhèyi tí adódu, yà mǎ mǎrí ònà àpbè mà, avuta mànà nzínzì 3, fùkú a'uta 3 nyí nyíkò tí dhu níbhò ndi òbì afíka tò. <sup>8</sup>Kòmbí, mǎ mí mǐnè mbèyi nyú, nyí nyíkò pòtsó Ádrùngbǎle Yèsù ò nídhunǐ. <sup>9</sup>Íngbà òtsò-tidò ndi mǎ mádù àdunà Kàgàwà tó okúku dǎ rò, yà nyí nyú nyí nyàbhu idhèka rìka ndi tí Kàgàwà-ònzì okúku dǎ rò dhu dǎ? <sup>10</sup>Kúbhingánǎ ndirò adyíbhengá mǎti, mǎ mǎrí mǐtsò atdyúka nyú nà Kàgàwà rǎ, ndíní mǎ nabhù tí màla ngbòku tdítǎ, mádù fùkú a'uta dǎ òdi dhu níse fùkù.

<sup>11</sup>Kàgàwà àlě t'Ábanà nyú ndìtrò, àlě tó Ádrùngbǎle Yèsù mànà, nǎkǎ ì rànge otu fǎkà ndíní mǎ mowu tí ùvò fǔrǎbvù. <sup>12</sup>Ádrùngbǎle Yèsù àkǎ ndìtrò nyí nyózè nyí nǐ nzínziku 3 àzè, ndàdù kóró ngǔkpà ale nyí nyózè nǐ àzè nítrò átò, àdhàdhì mǎ mòzè nyí dhu bhèyi. <sup>13</sup>Kàkǎ ndàbhu afíku ròtsì òbì, ndíní adùya tí rǐ ìlǐlǎ ró, ndirò ìmbǎ afátá na àlě t'Ábanà Kàgàwà-ònzì, àlě tó Ádrùngbǎle Yèsù rìngo, ì rìwù atdíkpá rónà ale mànà nínganí.

**Pòlò rí Yèsù ná'ù ale ònzì ròkò Kàgàwà-nyìkpó nòfò dhu bhèyi dhu**

**4** <sup>1</sup>Adódu, ngǎtsi dhu ní, mǎ móvò wà nyí nyàkànà nyùbhi Kàgàwà-nyìkpó nòfò rǎdù dhu bhèyi dhu fùkù. Obhó tí, nyí nyárí ndi dhu ònzì ònzì. Ní, kòmbí mǎ mònzì fùkú, mádù ùyanà fùkù Ádrùngbǎle Yèsù-òvò rǎ dhu ní yàrí: Nyí nyàkǎ nyònzì ka mbèyi nyú ròsè. <sup>2</sup>Obhó tí, nyí nyùni wà yà fùkù mǎ múyǎ ìngbǎ dhu bhèyi dhu-tidò mà ríra Ádrùngbǎle Yèsù bhà

rò. <sup>3</sup>Kàgàwà ózè dhu ní, nyílǎ nyìkpóna ð, ndirò ní nyǎdò nyí m̀nyò̀nì rǎ rǎ. <sup>4</sup>Ndirò kòzè dhu ní, ngàtsi ale rǎdò ngbǎna ilátá ð Kàgàwà-nyìkpó ð, ndirò ifuta mànà dhu ð, <sup>5</sup>inzí ndàbhù ndi m̀nyò̀nì ràtdù affina yà inzà Kàgàwà ǹni ale náaróznina dhu bhèyi. <sup>6</sup>Wò ndi mùtsò-tidò ð, dhu àkǎ nzá atdí ale mà r̀nzì nzérenge òdhinà rǎ, ndùpò p̀bindà ara d̀. Obhó tí, Ádr̀ngbǎle Yèsù níitdiya kóró i dhu bhèyi dhu-ànyǎ yà angyinǎ r̀ mà m̀nùnd f̀k̀k̀, màdù ùyanà mbèyi nyú f̀k̀k̀ dhu bhèyi. <sup>7</sup>Obhó tí, Kàgàwà ǹnzì nzá àlè m̀nyò̀nì t'óznita t̀. P̀bétù, k̀nzì àlè ndíní àlè koko tí ililǎ ale tí nyìkpóna ð. <sup>8</sup>Ndi dhu bhèyi ní ndi, yàrí uyátá nòdhò ale, nódhò nzá indr̀-tsù dhu, p̀bétù kòdhò dhu ní Kàgàwà bhà uyátá. Ka ní ndi p̀bindà ililǎ-Alafí níbo arí f̀k̀k̀. <sup>9</sup>Yèsù ná'ù ale rǎ 'òzè nzínziya ð dhu d̀, nyí nyí mbǎ f̀k̀k̀ ka kí dhu àndí dhu-atdyú nà. Obhó tí, nyí nyú nyí-tír̀, nyí nỳni wà nyí nyádù nyòzè nzínziku ð tí dhu Kàgàwà-rǎ. <sup>10</sup>K̀nǎ ndi dhu k̀lè ní ndi nyí nyaróznina M̀k̀d̀d̀niya tó p̀biri ð arí Yèsù ná'ù ale-rǎ kóró. Ní, mà m̀nzì nyí nyòngò k̀nzì mbèyi nyú t̀dít̀d̀. <sup>11</sup>Nyònzì òbi nyòkò màr̀ngà ð: nyàndà nyí nyòko tí dhu nyí-tír̀, nyádù kasu ònzì òtsúku nyú ní dz̀nàku ǹnzì tí yà ma múyǎ f̀k̀k̀ dhu bhèyi. <sup>12</sup>Ndi dhu bhèyi ní ndi, nyí nyóznina dhu ràdù nyàbhù iri ale r̀fu nyí, ìmbǎ nyádù ì indr̀ rǎ dz̀nàku ònzì dhu-atdyú nà.

### **Pòlò rǎ dhu àndí Yèsù ì a'u rórò uvè ale náungbeya ì dhu d̀ dhu**

<sup>13</sup>Adódu, mà mòzè nzá nyòkò ìnzí nỳni iwà ì a'u Yèsù rórò uvè ale d̀ dhu, akye nyí nyowuya òko izu ð, yà ìmbǎ arí a'uta nà ng̀kpà ale bhèyi ní. <sup>14</sup>Obhó tí, àlè ká'ù wà dhu Yèsù ravè ndàdù ndìngbè. Ní ndi dhu bhèyi tí, Kàgàwà abhùya kǎkǎ iwà ì a'u Yèsù rórò uvè ale, r̀ngbe ì átò, 'àdù '̀ngbò Yèsù mànà.

<sup>15</sup>K̀nǎ Ádr̀ngbǎle Yèsù unò dhu-bvu rǎ mà móvona f̀k̀k̀ dhu. Yèsù r̀ngò dhu r̀tuna nyìkpóya nà àlè nzínzi ð ale tír̀, àlè kokoya nzí angyi ùvùvè ale t̀ òr̀-akpà-otù ð. <sup>16</sup>Obhó tí, màlàyíkǎ d̀ atdí ádr̀ngbǎle-tù mà, Kàgàwà bhà wàndà-tù mànà rǎ iri r̀, Ádr̀ngbǎle Yèsù nyú ndítír̀ nífoya òr̀-akpà ò r̀. Ndirò kǎkǎ Yèsù Krístò ì a'u rórò uvè ale náadùya '̀ngbe angyi. <sup>17</sup>Ndi dhu-dzidò ní ndi, yà àlè-nyìkpó nà àlè kòtù àlè ndi kàsùmì ð r̀, àlè kadùya òdzì atdíkpá abádhí mànà àp̀bù ð, àlè ràdù àlè òtù Ádr̀ngbǎle Yèsù mànà awe ð. Ndi dhu bhèyi ní ndi, àlè kóró àlè kadùya òko bilínganà Ádr̀ngbǎle mànà òr̀-akpà ò. <sup>18</sup>Ní, nyòngò afiku nópè nzínziku ð wòrí òte ní.

### **Ádr̀ngbǎle Yèsù r̀ngò òná idho**

**5** <sup>1</sup>Adódu, Ádr̀ngbǎle Yèsù níngoya òná idho mà, ndi kàsùmì mànà d̀, nyí nyí ìmbǎ dhu-atdyú nà màndí dhu f̀k̀k̀. <sup>2</sup>Obhó tí, nyí nyú, nyí nỳni wà dhu mbèyi nyú, Ádr̀ngbǎle Yèsù r̀ngò òná idho risiya inzà ka k̀ni angyangyi rórò, ogbotále náarótsù idza k̀bhingánǎ dhu bhèyi. <sup>3</sup>Yà indr̀ ràtina màr̀ngà r̀r̀f̀ kòmbí, ndirò òd̀na ònzì ka kí dhu r̀r̀f̀

ìmbă rò ní ndi, dhu ìnză rí dhu adùya isí abádhí dş. Abádhí răbàna àpbè náapíríya ndi ndisí àdhàdhì ari nà tsibhále-ò náarí ndàpírí uguta tò dhu bhëyi. Ní, atdí ale mà nõcgúya nzí abádhí nzínzi ş. <sup>4</sup>Pbétù nyí adóddù, nyí nyí ìmbă ìndò ş, ndíní wòrí idho adùya tí nyòtdi ogbotále bhëyi. <sup>5</sup>Obhó tí, nyí kóró nyí ní awáwù ş ale, adyíbhengá nga ş ale. Àlě ní nzí kúbhingá nga ş ale, ìndò ş ale. <sup>6</sup>Ní, dhu àkă nzá àlě ròdhò ngùkpà ale-tsí bhëyi. Pbétù dhu àkă àlě ròkò àlě-nyìkpó nà, àlě ràdù àmbe àlě òdò dş mbëyi. <sup>7</sup>Obhó tí, òdhò aródhò ale náaródhò kúbhingá, ndirò, òri aróri ale náaróri kúbhingá. <sup>8</sup>Pbétù àlě, adyíbhengá nga ş ale tírò, dhu àkă àlě ròdò àlě mbëyi. Dhu àkă àlě rùfş a'uta mà àzè mànà làtú tí àlě-odrù dş, àlě ràdù ògù àlě ká'ù dhu náfo sàbù tí àlě-dò rş. <sup>9</sup>Obhó tí, Kàgàwà núutri nzá àlě ndíní ìndrù-ànyă nítđi ndi ndí nì pbìndà nàwí nísíya tí àlě-dş. Pbétù, kùtri àlě ndíní àlě kabáya tí ògù àlě tó Ádrùngbàle Yèsù Krístò-otù ş. <sup>10</sup>Yèsù avè àlě-okú dò rò ndíní ndi ndíngò dhu nótu àlě àlě-nyìkpó nà màtí rò, ndirò kòtù àlě iwà àlě kùve ró màtí rò, àlě kadùya tí òko ípirõnga ş atdíkpà ndi mànà. <sup>11</sup>Nírò, dhu àkă nyòwù afíkù òpè rş nzínziku ş, nyàdù òwu nyíđi rş átò a'uta ş nzínziku ş ya nyí nyárí kònzí dhu bhëyi tí.



*Romà tş pbìrì ş pbànowí  
núufşnà làtú (5.8)*

### Yèsù ná'ù ale àkă 'òkò tí dhu

<sup>12</sup>Adóddù, mà mònzì fukú ngàtsi dhu ní, nyòngò kşkò nzínziku ş arí kasu ònzì ale nífu. I ale ní kşkò nyùnda arí Ádrùngbàle Yèsù-òvò rş, 'àdù àmbe nyìkpókù itdyu dş nzérenga rş rò ale. <sup>13</sup>Nyí nyàkă nyífu abádhí atdíđ ròsè, nyàdù abádhí nózè ya abádhí aróznzina kasu-okú dò rò. Nyí nyàkă nyòkò màrùngà ş nzínziku ş.

<sup>14</sup>Ndirò adóddù, mà mònzì nyí nyòvò dhu ìnzá ìnga nõfò dhu bhëyi aróko ale tò, nyàdù afíya níngyě ì ale-afí nópè. Mà mònzì nyí nyònzì ivivi ngbşya nà ale dzùnà, nyàdù kóró ale-dzi nóndù. <sup>15</sup>Mà mònzì nyí átò nyòdò nyí, ìnzí atdí ale mà ràdu nzérenga nzérenga ní. Pbétù dhu àkă nyònè ìdzìnga ònzì nyí nyí bìlìnganà nzínziku ş màtí ndirò kóró ale nzínzi ş màtí dhu kèlě.

16 Nyòngò òko bìlìnganà dhèdhe ǝ tí. 17 Nyòngò nyǝtsò ìnzǝ nyǝ nyúbhana rórò. 18 Rùkú ndì nònzì kóró dhu ǝ, nyòngò òtsò kèlě nádu Kàgàwà tò. Obhó tí, kǝkǝrí ní ndì Kàgàwà ózè nyǝnzì Yěsù Krístò-ǝvò rǝ dhu.

19 Ìlǝlǝ-Alafí rǝnzina kasu àkǝ nzá nyǝtò tsùna.

20 Kàgàwà bhà pbànábí núunò dhu àkǝ nzá nyǝnzì gàyàna.

21 Pbétù, kóró dhu-ǝnga àkǝ nyǝvò, nyǝdù ídzi dhu tí rǝí dhu ònzì.

22 Ndirò, nyòdo nyǝ kóró nzére dhu-tidò rǝ rò.

### **Pòlò rǝ Kàgàwà ònzi ràso Tèsàlònikà ǝ \*Kànìsà dhu**

23 Mārùngà ìbho arí ìndrǝ tò Kàgàwà nyú nditírò nákǝ ndàbhù nyǝ nyòkò pbìndà ale nyú tí. Kàkǝ ndòdò fùkú ípìrǝnga, afíkù, atdyúkù, ndirò ngbǝkù mànà, ròkò ìmbǝ nzére dhu tí ka kózùna dhu rǝí òyà, àlě tó Ádrùngbǝle Yěsù Krístò rǝngò ònà ídho tò. 24 Nyǝ nunzi Kàgàwà ní ìnzǝ arí pbìndà irèta núwǝ ale. Ní ka ní ndì rí i dhu nónzi.

25 Adódu, nyòngò nyǝtsò dòká átò.

26 Nyòvì Yěsù ná'ù ale kóró atdyúkù nyú nà.

27 Ma mìtdè nyǝ ìtdè tí Ádrùngbǝle Yěsù-ǝvò rǝ ndínǝ nyǝ nyozú tí yàrí bhàrùwà Yěsù ná'ù ale tò kóró.

28 Àlě tó Ádrùngbǝle Yěsù Krístò àkǝ ndàso nyǝ.